

食長生必要元氣全足如胎中時然後得長生精氣不足則不得長生故已竭者必要補之補之之機因其化精之氣機有動方可補得不然不得元氣增長凡氣機一動趨事淫媾者則為精乃世法中氣化精之所嘗聞不為淫媾而收回氣穴外用周天火候薰蒸四大則發動之氣因薰蒸而長旺乃仙道中之精化氣也所以元氣復足者由於留得元精不至耗失而得即其出精而後氣足非精化蒸而何

附錄伍真人修仙歌

冲虛伍子有仙階萬曆元年

癸酉改元神宗皇帝年號

道藏輯要

仙佛合宗語錄

卷

畢集三

住母胎

母王氏孺人自嘉靖壬子年六月初一日住至崇禎庚辰年十一月二十日酉時無疾而坐化尸解所謂白日為真尸解乃升天及生天之類

父由貢舉齊青教

父健齋翁嘉靖時中江西榜貢舉壬戌科中會元為權貴所奪乃就齊地青州府學教授雖甚貧窘而甚甘清廉乃善人而君子修仙佛者必生於仁賢父母之家方是因果不昧古云一人得道九祖升天當知有聖父母而後可生聖子卻從文廟毓吾來

文廟是文宣師孔聖人廟

母夢廟前榴樹果顆顆如丹又如火吞之一顆化生人十月將過遂生我又夢環胎九鳳多仙兆重來瑞若何二年正旦朝將午翻身下降入婆婆半載隨官臨浙滄

浙西紹興府糧儲鹽法別駕衙內也

伯陽仙里紹興府

伯陽魏真人也生於上虞縣紹興府之所治

五齡父別牧滇南

滇音顛雲南有滇池時為雲南維摩州牧

所恬文章黃蓋土

道藏輯要

仙佛合宗語錄

聖

畢集二

以官卒也

當年童子侍師筵叔兄兄叔疊繩愆十齡奮志明經學得遇重陽祖七篇

先天章一後天章二坤宮章三乾宮章四支宮章五黃房章

六地雷章七是也

十三歲初生異志

家有立齋叔翁中明經科貢舉而志於學道此時見立齋叔之書謂學道證仙亦即生學道之異志

念念尋真求出世

馬自然云此身不向今生度更向何生度此身見此怎不生

長生之想

十六許可批其文不向橋門爭二試廿齡名利便休心

時岳翁之地有連主仙祠堂乃范登雲真人兄弟三人仙祠也顯靈無二吾以名利成敗問之籤曰何必分胡越籓籬剖卽家脫身煩惱障飛雪襯烟霞此亦指予之有根緣也

儒衣敝履幡然棄家中頗亦有紅陳無奈三年水荒至

每自三月至六月雨多而水漲民無平土之居農無西成之望

不敢荒年受福多也食蓼根十數次

蓼根者無種無苗萬曆戊子己丑年間江西歲大饑偶生此

道藏輯要

仙佛合宗語錄

畢

畢集三

物於河泮沙洲如簪腳大三四寸長或微紅或白可末爲餅食土人尋食療饑予亦求隣家老食數次意謂減祿求增福也後歲不饑則不生

涉水傳餐救饑人

時有滔天之水貧者絕食每日跣涉送飯救人饑餓力爲苦行

足指生瘡痛及身衣遭跌濕朝三換飯竟加梁日倍蒸倉中空穀皆人貸券上售錢有幾誠

口稱水荒心存騙局

此情有若嬰孩拙便是修仙性地仁

以穀借出而不收入似無知之嬰孩利人而損已矣究其施仁積穗亦真赤子之心也

二旬五月得逢師

生年初至二十歲

還陽曹姓戚之兒

姓曹號還陽邱真人派下法名常化生於南昌武陽之精渡處祖父皆富聞廬江縣李虛庵真人有道行治裝往謂得天仙之道前此別有一人亦號曹還陽任鎮江府註丹經談外事邪術者與此不同後學不可誤以爲此而妄信其言外者南昌同縣武陽地三里隣居遇箇遲一論天仙最上理請到家

道藏輯要

仙佛合宗語錄

異

畢集三

中時扣之謂我先人世有善謂我前生佛授衣

初生於青州府之官衙纔數月有術者曰此禪僧之轉生也前生修佛猶昨日轉世夜眠恰如一今生今日得逢仙醒後昨心還不失

王質真人云自修證五六劫及證此身念念修心倏已一世形骸雖改此心不忘

持到中秋八月時賣田護師同入室

家有父宦囊餘荒年爲貧饑者散盡去而不回及至自有所爲必有賣田之勢

師之兄曰公子家勢焰偏高怎及他騙得道聞又取寶烏能悔

輔度人差

此亦慎擇弟子之一端所謂師尋弟子難者是也

且做生涯還本利我自爲之更甚些弟兄同到甯州宿信箇山人解梳木山人騙去半本錢到家折盡愁思哭語予折去百數金願把外丹酬你欲

燒煉點化成金銀之術世謂之煉外丹當此時師只肯受外丹不肯授內丹此見仙師重內甚於重外

我求超世證仙真何欲丹金堆過屋

大修行人家且宜必捨絕其俗念豈可戀外丹而生一心傳乎予輕外由於重內故不受

道藏輯要

仙佛合宗語錄

巽

畢集三

予唯不好師固傳

師云汝惟不好煉丹是不貪富貴勢利德已不虧志已特異故可傳外且仙度人傳內未有不傳外者資外以修內汝且受之但無妄爲妄傳則可矣

但記在心著在目

壬子春遂與師同煉於豫章城西西山之後谿水涯次

鉛砂凡體入池煎黑盡白見成金木

雖曰二體卽古所謂一物含五彩亦作仙人祿者是也其中金木水火土之五行俱全青龍白虎玄武朱雀之四象俱備而後成其爲白子師所謂一轉成母者卽此是真母 昔旌

陽銅符鐵券註乃吳猛真指靈文所言每黑一斤可得白二兩則三十六斤得七十二亦驗

面上片片紅桃花心中顆顆碎金粟

此卽名白金名乾金兌金庚金水中金火中金若雞子鉛汞名真鉛真汞爲天上之至寶神仙之秘機

真鉛真汞是此真

除此煉成得真之外餘皆世間之凡物

物白物黃皆此物

此得水火旣濟交併金木之神氣者爲神丹之根基是白而又是黃非黃而又非白內外皆若黃白二色故仙家稱黃白

道藏輯要

仙佛合宗語錄

辛

畢集三  
川八川

世人無由能聞亦無由能見故亦不知黃白是何物名黃白是何故

次次丹頭寶所依鼎鼎薰蒸化天祿

煉卽此烹亦卽此養以此而乳哺亦以此有此則丹可還故曰金液還丹無此則丹不可還必無成丹點化服食之理縱燒煉百年空廢家業所謂朱砂未白頭先白水銀未死人先死勢所必至可不慎之

超之脫之卽丹鉛

超者離黑而超出白脫者離白而超出神來所以謂之神丹若非得此鉛中丹之神物必無成道之理

暗進明進如酒麴

暗進者暗進神水暗進神火屬烹煉之工也明進者明進神水明進神火屬火超脫之工也暗進者在固密之中明進者顯然在外所以此妙絕與世法不同與世談者異若不能如此則非丹道不成不成學丹者當安分已矣

壬子春來一試焉般般已驗符親囑

師授已多年尚未經手一爲之亦乏資財之故及見漁庄所云大丹只從四兩起手何不一試爲之况思而不學終是危殆不安是以不得不試驗而爲真用實理

雖堪點得住世金

道藏輯要

仙佛合宗語錄

至

畢集三  
川名川

三轉靈光大現卽能點化

怎敢妄爲滿天福未惜食田屢賣之依師遠出相隨逐

試在壬子授法在癸巳雖傳其法而不肯爲其事故甲午又賣田隨師參究仙道若非如此堅心恐亦不得聞道

甯州旅邸投徐家粗飯常朝難食足

初離家之膏粱甚難飽食其粗糲

渴時苦菜藥般湯夜後柴房虎伴宿孔方用盡囊且空瘡毒生多眉又蹙孤身安飽不暇圖修仙決志無疑卜

信之眞學之篤心無疑二

也不爲時嘗政事

不求功名專於事隱

也不帥師抒火計

火藥之法有攻戰守之全能實護國安邊之長技幼時只圖分茅祚土故學之見鍾離棄侯爵而成仙亦且棄置於無用之地

七書八尺若爲仇

七書者兵家之武經七書也八尺者觀世音菩薩所遺少林寺之神鎗有劈打之法又名夾鎗棍皆用武之具修仙佛者戒殺心正要戒所以殺事

百史五經不再識

道藏輯要

仙佛合宗語錄

卷

畢集三

識記也五經子史文士博學之具爲治世之需旣治身心則不治世故不必再記

璇璣倒杖盡休哉

璇璣者斗柄運轉以明星象周天之占候倒杖者地理法扞點穴法所宜卽毬簷天心十道葬坟墓之仙機修行擇地異於此故亦不用此

禽遁握奇俱已矣

禽遁者演禽之數及遁甲八門之法兵家卜吉凶決勝負必要之機握奇者安營寨排兵佈陣時在中軍帳獨持至一之樞機所謂運籌幃幄之中而決勝也



時值週基日有餘五月廿二奏天衢

遇師一年之後無一日一時不問道此而知心識志方行表  
奏天庭及紫微中宮請天命而決可傳與否許傳則傳不許  
則止仙道禁戒至重不得私授於人也

投詞符節合同了

投詞者誓之詞也重陽真人之門馬與孫等皆焚誓狀之類  
是也世之後學皆投詞於師此則投詞於上帝而請帝命付  
符節符節者即洞神經云昇天券以青素帶身臨昇之日五  
岳不見此券則拘人不得升水神不見此券則留人不令升  
地官不見此券則不得升度天官不見此券則閉天門不令  
升進得券則前入紫府見大道君然後一切諸神不敢拘制  
此天仙度弟子之所有事者

刺血靈官王證之

抱朴子云至秘重者莫過長生之方故必歃血盟誓乃傳欲  
修長生而不謙勤親師至要甯可得乎求心不盡令師告之  
不多秘何及得浮淺之示豈足成不死之功若此之人亦終  
不得教之

在我耳邊說兩句聊通一線修仙路不是等閑人可聞修仙便  
要應仙度

古神仙身事歌云天人須選天人學上天不擢下愚人

道藏輯要

仙佛合宗語錄

卷

畢集三  
川上三

從今隱處辟邪市

辟邪是鄉間地名市則有街道貿易

朝食忙趨日問師

予隔師家五里許每日早飯畢卽趨侍師而問道

一年問有三百日半月參將百二時十五年間勤侍教萬千句裏切尋思眼見師餐飲兩頓心忘我受腹重饑

每日問道見師餐兩飯矣我尚未及一餐亦願効發憤忘食者故如此

整整忍飢不想食漸漸腸疼不識醫

餓日久則傷而腸疼亦不識爲餓傷而求醫

道藏輯要

仙佛合宗語錄

書

華集三

問到黃昏方返舍或明或暗到家遲

月上早則明月上遲則暗隨著差馬火把而行

家中飯辦炊三次倚門人望不歸兒如此朝朝并暮暮禱蒼唯願道問之每逢朔望進黃表

每月朔日望日表奏上帝以祈恩賜全道果有天仙三催師度

一壇清醮奏青詞

問道之後己亥年春建醮謝天地及歷代傳道之聖師又斬無常三十夜勤心進道有天知

斬無常者保全一年不死之法有符訣咒以斬斷之

仙機佛法都問過誓今決要天仙做

徐靈府云學道全真在此生迷徒待死更何生今生不了無生理縱復生知何處生

生平諸病欲將無

凡童稚時所得哮喘風濕等皆愈而欲無昔丹陽真人在終南西遊華亭偶宿窰空中土津火毒吐血發喘道友曰當食生葱醞醋可解其毒予謂道家有病他人莫能醫自治足矣修煉身中至寶厥疾自瘳又詞云欲要解四假違和煉身中

金玉

些小句言便稱賀

道藏輯要

仙佛合宗語錄

卷

畢集三

試道行卽有驗凡得一句一言秘妙無不躍喜稱賀幸有前緣

萬般職分總休心

效所謂全拋世事

一念機緣全煉我

我者卽自己妄想私心煉有我之心至於無我便入無生之際寂滅爲樂

道若不明仙不成枉作世間人一個

誓志此生必要明道成仙若不如是則前世似實修而人生於今旣得人今何不以之而修仙不亦枉然乎

曾求妻下耳金環并下銀釵湊護財

化氣將完護者要財用甚急不得不委曲求爲應用

網巾圈子割還盡

圈子及鈕扣用廢殆盡

護得師工大藥來師家少食我推食師家少衣我解衣孀慈罪

我傾家計

廢家業之資多不免漸漸蕭索

荆布愁予遠案眉

舉案齊眉凡世夫婦之大願修行者未成時離家以修之已

成後無家之念慮荆布焉得不愁予遠

道藏輯要

仙佛合宗語錄

美

畢集三

家眾貶譏圖個甚

世人圖富貴圖飽煖必圖成家計今反廢家業抑何所圖而

然

鄉人談笑願何爲

抱朴子曰予忝大臣之子孫棄當世之榮華者必欲登名山

合神藥規長生也俗人莫不謂予爲狂惑之疾然不廢人間

之務何得修如此之志 王重陽真人一鄉皆說爲害風謂

其輕棄家業爲狂惑害風真人亦自呼王害風而不辭

幾遭罵辱憑乾唾

有惡姪每持刀殺人降人有罵辱至聞而不聞則聞魔自消

正鍊已法也

便逢欺打未還捶

曾有二人將欲痛毆以不還而消之

說來不盡千千苦學道如吾未見誰師言汝志我已知苦心學道是仙機十年三受天仙囑速我將伊畢度之

一日老師謂予曰汝於仙階已有分者從十年以來曾三次有天眞命我速速全與你道我今亦知汝矣當度與汝也

此道先須辨眞僞

眞者成仙之眞機元精所生之時眞採取配合之時眞僞者凡一切後天有形之精皆不可成仙者是僞必要先辨

道藏輯要

仙佛合宗語錄

卷

畢集三

眞者長生陽神貴

長生不死是眞元精所修後陽神現像神通變化皆用初辨得其眞

煉精化氣氣化神神還虛矣名極位精生本是元精生不是凡精後五行淫精淫事凡精者濁穢焉能證洞清只爲濁形不化氣無形之氣始飛昇元精一返補還滿證箇初基自有靈

此卽煉精化氣築基有成功者

精滿無生超欲界

精滿不思欲故曰無生旣無淫欲之具如世尊之所謂陰藏則超出欲界之外矣

心靈方出塵凡世五龍捧聖到南方入定還神功可大

南方者離宮心象也卽離宮修定煉氣還神之說

未到還神必欲還

還神者卽轉神入定也未還則馳於外而不定未有不定之

仙佛必要還於定

氣停脈住不庸餐

氣停則氣滿而不思食脈住則氣滅盡定而不用食庸卽用意

只爲北堂孀秉節可無孝德了其間憶母年將九十足金陵孤子歸甯速成道世尊兩視親豈我潛修違所欲

道藏輯要

仙佛合宗語錄

卷

畢集三

母有嚙指之呼不敢違所欲奉天教誡而全孝道也

蓬頭垢面已多年

背白玉蟾徹夜坐晨亦不沐晝亦不炊或客來有問以牙疼爲辭無酒亦醉睡醒亦昏

蒲團兀坐不成眠

天來子云學道先須學打坐若還空坐亦徒然晝餅充饑終受餓

一任頓超無量劫不須猶說未生前

定到超劫則證到未生前矣無可再說再說未生卽是有生落二義者

天先地先先有我

先有我卽先天地之元神所以超劫運者不隨天地同壞  
不生有我是真我

真我則不生有我之念是大寂性體在天地及大劫運度之  
上故不隨以壞若有我則猶是天地之有後者爲天地之所  
生焉不爲天地之所滅若無我又同天地之無天地壞我卽  
壞皆非真我惟我而不我是爲真我

我到地天無無無

無無亦無是至極之極卽經所謂玄之又玄妙之又妙  
方許天仙是這箇

道藏輯要

仙佛合宗語錄

堯

畢集三

這箇者是真我無無亦無我旣無無亦無視天地無無亦無  
矣視大劫運度無無亦無矣天地雖隨劫壞猶若無無亦無  
之天地何繫於我故不隨壞而常存於無無亦無故曰這箇  
方是這箇真我